

周禮註疏

十

漢書
經九十五
一三五六一號
全二十

內閣文庫			
番號	漢	13561	
冊數	20 (· 6)		
函號	經	95	3



Kodak Gray Scale

A 1 2 3 4 5 6 M 8 9 10 11 12 13 14 15 B 17 18 19



© Kodak, 2007 TM: Kodak



附釋音周禮註疏卷第十

鄭氏註

賈公彥疏

夫司徒之職掌建邦之土地之圖與其人民

之數以佐王安擾邦國土地之圖若今司空郡國輿地圖疏大司空

國。釋曰司徒既欲佐王安擾邦國故先須知土地之圖入

民之數。註注地至地圖。釋曰案漢蕭何收秦圖籍以知

天下既塞黃遠至後漢乃有司空郡國輿地圖輿者車輿其前

牙曲地形不可正方故云輿地圖也案職方亦云掌天下之


并夷狄而言故不得云郡國此經云主人氏之數則唯據九

州之中郡國在九州之內故此注云郡國也以天下土地之圖周知九

州之地域廣輪之數辨其山林川澤丘陵墳

衍原隰之名物周猶備也九州揚荊豫青兗雍幽冀并

也輪從也積石曰山竹木曰林注續曰



野之所宜木遂以名其社與其野

傳曰吾子疆理天下溝穿地為阻固也封起土界也社稷后土及田正之神墳壇與塚也田主田神后土田正之所依也詩人謂之田祖所宜木謂若松柏栗也若以松為社者則名松社之野以別方面○墳維癸反別彼列反下同而辨至其野○釋曰云辨其邦國者謂分別畿外諸侯邦國多鄙之數者謂分別畿內三等來地之數謂若王制畿內九都鄙之數也云制其畿疆者王畿內千里中置王城面有五百里其邦國都鄙亦皆有畿界也云而溝封之者謂於疆界之上設溝溝為封樹以為阻固也云設其社稷之墳者謂於中門之外右邊設大社大稷王社王稷又於朝門之屏設勝國之社稷其社稷外皆有遺塚於四面也云而樹之田主者謂籍田之內依樹木而為田主云各以其野之所宜木者王之田主唯一而已不得云各今云各者總據邦國都鄙并王者而言也云遂以名其社與其野者謂假令以松為社則名松社之野餘皆放此也○註千里而方面○釋曰云千里曰畿者畿方又云春秋傳曰吾子疆理天下者案左氏傳成一年擊之戰齊侯使國佐賂晉師晉人不許曰使齊之封內盡東

其畝國佐對云先王疆理天下物土之宜故詩云我疆我理南東其畝今吾子疆理諸侯彼云先王疆理天下又云吾子疆理諸侯此云吾子疆理天下不同者鄭以義言之非傳之誤也云溝穿地為阻固也者謂穿地為深溝即是阻固也云社稷后土及田正之神者鄭義依孝經緯社者五土之德神以句統生特為后土官有功於土死配社而食稷是原隰之神宜五穀五穀不可遍舉稷者五穀之長立稷以表神名故號稷棄為堯時稷官立稼穡之事有功於民死乃配稷而食名為田正也故云社稷后土及田正之神雙言之耳云墳壇與塚墳也者經直云墳壇即塚也墳字不云壇以墳在壇之四面為之明中有壇可知故鄭兼云壇也案禮記郊特牲云君南面於北甬下鄭注云北甬北內北極也社稷無室壇外四面有壁壁外乃有壇耳若然封人云設王之社壇者彼官卑主設之此大司徒尊官直主其制變而已云田主田神者故田正之所依也者此田主當在籍田之中依樹木而為之故云各以其土地所宜木云田主田神者謂郊特牲云先穡與神農一也若然鄭意以田主為神農則無后土及田土之神直以神農為主祭等可以及畢故使后土田正二神憑依之同壇共位耳田正則郊特牲所云司嗇一也又引詩人謂之

田祖者詩云以御田祖毛云田祖先禘禘章亦云凡國祈年
 于田祖鄭云田祖始耕田者謂神農也引之考蓋田主是神
 農也云所宜木者若松栢栗也者是論語哀公問社於宰我
 對云夏后氏以松殷人以栢周人以栗彼三代所都異處所
 宜之木不同夏居平陽宜松殷居亳宜栢周居鎬京宜栗此
 經雖據周一代而言其邦國都鄙異處所宜之木亦復不同
 或云若松栢栗也云若以松為社者則各松社之野者此取
 松為社假設而言耳云以栢為社者則各栢社之野者此取
 或以一方宜松則以松為社以別餘之方面耳
 以上會之灋辨五地之物
 生一曰山林其動物宜毛物其植物宜阜物
 其民毛而方二曰川澤其動物宜鱗物其植
 物宜膏物其民黑而津三曰丘陵其動物宜
 羽物其植物宜蠶物其民專而長四曰墳衍
 其動物宜介物其植物宜莢物其民皙而瘠

五曰原隰其動物宜羸物其植物宜叢物其
民豐肉而庠
會計也以上計貢稅之法因別此五者也
 毛物貂狐貉貉之屬縹毛者也鱗物魚龍
 之屬津潤也羽物翟雉之屬核物李梅之屬專罔也介物龜
 鼈之屬水居陸生者莢物齊莢王棘之屬皙白也瘠也羸
 物虎豹貉貉之屬淺毛者叢物菹蒹之屬豐猶享也瘠猶短
 也杜子春讀生為性節司農云植物根生之屬阜物柞栗之
 屬今世間謂柞實為阜斗膏物謂楊柳之屬理致且白如膏
 玄謂膏當為橐字之誤也蓮茨之實有橐緇○會古外反注
 同早音早本或作罕注同麟劉本作鱗音鱗注如字一本作
 盡音同覈音核專徒九反注同長如字下注長於土圭同介
 音界羨古協反音錫白色也羸力果反叢才東反肉如字
 劉而樹反音輝音輝音錫音錫音錫音錫音錫音錫音錫音錫
 音奪一音如勇反音錫音錫音錫音錫音錫音錫音錫音錫
 與考工記燿後音同音錫音錫音錫音錫音錫音錫音錫音錫
 于鬼反音子洛反致直記反橐古音橐音橐音橐音橐音橐
 毛反劉古到反茨音儉音儉音儉音儉音儉音儉音儉音儉
 會所出貢稅之法貢稅出於五地故須說五地所生不同也
 故云以土會之法也云辨五地之物生者但天之所覆地之

襄新月交

司禮

葉起

所載地有五等所生無過動植及民耳故云辨五地之物生
上經云十等此云五地不同者上經細別而言則十等以類
相弁而言故五等其實一也一曰山林者此五治以高下相
對故一曰山林山林高之極者二曰川澤川澤下之極者故
以為對也又五地之內以民之資生取於動植之物故先言
動植後言民也山林之中其動物宜毛物其植物宜草物其
民毛而方此五地人物之等皆方以類聚物以羣分及民之
所生皆因地氣所感不同故使形類有異也○註會計至麋
貉○釋曰案宰夫職云歲計曰會計者唯毛物貂狐貉貉之屬者
以上計貢稅之法者以五地中而會計者唯毛物貂狐貉貉之屬者
依爾雅而言耳案爾雅云狸狐貉貉同文此云貂狐貉不言狸
者即君所讀爾雅者為貂不為狸也言之屬者山林之中毛
者甚衆故以之屬撥之也言鱗毛者謂毛之細鱗者也云鱗
物魚能之屬者案月令春云其蟲鱗魚無足故不言魚其實魚入鱗
曰蟲無足曰豕經云其蟲鱗魚無足故不言魚其實魚入鱗
內可知也此經云川澤宜鱗物鱗物以魚為主有魚龍有蛇
可知故不言蛇也云津潤也者以其民居澤近水故有津潤
徐州貢羽賦莫獲則翟雉也以其羽物翟雉之屬者案禹貢

宜羽物者是翟雉也云核物李梅之屬者鄭以丘陵阪險宜
棗杏及李梅等日驗可知故云李梅之屬中有棗杏也云專
園也者此丘陵地氣使之然也云介物龜鼈之屬水居陸生
者此陸生謂陸地生子及生訖即入水而居故云水居陸生
也五行傳云貌之不恭則有龜鼈注云龜鼈之生於水者亦
謂生居在水也非謂初生在水彼生與此鄭云陸生之生義
異也又云茨物薺菜王棘之屬者薺菜即今人謂之阜茨蓋
諛云阜當言薺也王棘即土喪禮云王棘若擇棘者是也棘
雖無茨蓋樹之枝葉與薺菜相類故并言之也云哲白也者
此民居於墳衍地氣宜白又見詩云楊且之哲哲為白可知
也云脊臞也者案爾雅釋言云臞臞瘠也注云齊人謂脊瘦
為臞則臞為瘦小之貌故鄭云瘠也云羸物虎豹兔貉之屬
者考工記梓人職說大獸而云厚脣弁口出目短耳大脰羅
後若者是謂之羸羸又爾雅有虎有豹故知羸物為虎豹也
但爾雅及諸經不見有羸曲禮云載羸狝此鄭云羸狝狝即
狝也云淺毛者若以淺毛言之則入羸蟲中故月令中央土
其蟲羸鄭云虎豹之屬恒淺毛若據有毛言之即為毛蟲故
白虎入西方毛蟲之長也云叢物雀雉之屬者詩云雀雉
不殊故後鄭不破之也鄭司農云植物根生之屬先鄭對動

非植生為號也。阜物柞栗之屬者，柞實之皮得染阜，故引今世猶謂柞實為阜。斗為器，其栗雖不得染阜，其皮亦阜斗之類。故得柞同為阜物也。云膏物謂楊柳之屬，理致且白如膏者，先鄭以物色上解之，後鄭不從者，以其上下云動植者皆不以色上為名。先鄭獨此一者，取義於色，故後鄭易之，玄謂膏當為膏者，經云膏是脂膏之膏，於植物義無所取，直是字誤，故破從藥也。云蓮茨之實，有藥，謂者以其是川澤所生，故知是蓮茨之實，皆有外皮，藥謂其實者也。案大司樂一變而致川澤之示，先言川澤，後云山林者，彼取神之易，致為先，故先言川澤，此取尊卑高下相對，故先言山林也。又彼云五變而致土，示注云土抵原隰，及平地也。此中不見平地者，亦原隰中可以兼之也。因此五物者，民之常而施十有二教焉。一曰以祀禮教敬，則民不苟。二曰以陽禮教讓，則民不爭。三曰以陰禮教親，則民不怨。四曰以樂禮教和，則民不乖。五曰以儀辨等，則民不越。六曰以俗教

安則民不偷。七曰以刑教中，則民不聽。八曰以誓教恤，則民不怠。九曰以度教節，則民知足。十曰以世事教能，則民不失業。十有一曰以賢制爵，則民慎德。十有二曰以庸制祿，則民興功。

陽禮謂鄉射飲酒之禮也。陰禮謂男女之禮昏姻。子伏之屬俗謂土地所生習也。愉謂朝不謀夕，恤謂災危相憂。民有凶患憂之，則民不解怠。度謂宮室車服之制。世事謂士農工商之事。少而習焉，其心安焉，因教以能，不易其業。慎德謂於其善德勸為善也。庸功也。爵以顯賢，祿以賞功。故書儀或為義。社于春，讀為儀，謂九儀。爭爭鬪之爭。疏因此論音愉又音榆。說薄報反。解往賣反。少詩照反。至興功。釋曰：上經云五地之物生，動植及民生處不同，是其常法。今此十二教亦因民之所常生之處施之，故云因此五物者之常而施十二教也。云一曰以祀禮教敬，則民不苟者，凡祀者所以追養繼孝，事死如事生，但入於死者不見其形。

多有致慢故禮云祭極敬也是以一日以祀禮教敬死者尚
敬則生事其親不苟且也。二曰以陽禮教讓則民不爭者
謂鄉飲酒之禮酒入人身散隨支體與陽主分散相似故號
鄉射飲酒為陽禮也鄉飲酒即黨正飲酒之類是也黨正飲
酒之時五十者堂下六十者堂上皆以齒讓為禮則無爭故
六以陽禮教讓則民不爭也。三曰以陰禮教親則民不怨
者以陰禮謂昏姻之禮不可顯露故曰陰禮也男女本是異
姓免而親迎親之也親之也者親之也使之親已是昏禮相
親之義昏姻及時則男女無有怨曠故云以陰禮教親則民
不怨也。四曰以樂禮教和則民不爭者自一曰至三曰已
上皆有揖讓周旋升降之禮此樂亦云禮者謂饗燕作樂之
時舞人周旋皆合禮節故樂亦云禮也凡人爭讓皆由不相
和合樂主和同民心故民不爭也。五曰以儀辨等則民不
越者儀謂以軍事尊上下之儀有度以辨貴賤之等故云以
儀辨等也民知上下之節不敢踰越故云則民不越也。六
曰以俗教民則民不偷者俗謂人之生處習學不同若變其
舊俗則民不安而為苟且若依其舊俗化之則民安其業不
為苟且故云以俗教安則民不偷偷苟且也。七曰以刑教
中則民不亂者刑者禁民亂今明刑得所民得守正不為
亂故云以刑教中則民不亂也。八曰以誓教恤則民不

怠者民有厄喪教之使相憂恤則民不憚息也。九曰以度
教節則民知足者度謂衣服宮室之等尊卑不同以此法度
教之使知節數民知禮節自知以少為足故云則民知足也
十曰以世事教民則民不失職者父祖所為之業子孫述而
行之不失本職故云以世事教民則民不失職也。十一有
曰以賢制爵則民慎德者人有賢行制爵與之爵民皆謹慎
於善德以求榮寵故云以賢制爵則民慎德也。十二有
曰以庸制祿則民興功者庸功也人有功則制祿與之民皆
興其功業故云則民興功也。十三有曰以禮教親則民
者為後。註陽禮謂鄉射飲酒之禮也陰禮謂男女之至九
儀。釋曰云陽禮謂鄉射飲酒之禮者以是陽禮而云教讓
其鄉射是州長射禮鄉飲酒是黨正飲酒皆有正齒位飲酒
為教讓之事故知陽禮是二事若然鄉中有鄉射鄉飲酒以
其州長黨正皆屬於鄉大夫或鄉大夫所居州黨故雖州長
射黨正飲酒亦號曰鄉也云陰禮謂男女之禮者以特則男不曠
又云不怨故知是男女昏姻之禮也云昏姻以特則男不曠
女不怨者此約推雅詩序人軍旅教起大夫父役男女怨曠
注云國人父處軍役之事故男女多怨曠也男曠而苦其事
兼言曠也若然彼詩據舊成夫婦此文據配合得時特雖不

同若失時怨獲不異故引為證也云儀謂君南面臣北面父
坐子伏之屬者案易乾鑿度云不易也者其位天在上地在
下君南面臣北面父坐子伏此其不易也鄭依此言其不易
也仍有天地不易不言故云之屬以兼之也云俗謂土地所
坐習也者謂若下曲禮云君子行禮不求變俗君喪之禮哭
泣之位皆如其國之故而審行之是其故俗所習也云偷謂
朝不謀夕者案春秋左氏襄公三十一年穆叔至自會見孟
孝伯語之曰趙孟將死矣其語偷又孝伯曰人生幾何誰能
無偷朝不及夕將焉用樹穆叔出而告人曰孟孫將死矣吾
語諸趙孟之偷也而又甚焉昭元年天王使劉定公勞趙孟
於潁館於洛納劉子曰美哉禹功明德遠矣微禹吾其為魚
乎吾與子弁冕端委以治民臨諸侯禹之力也子盍遠績禹
功而大庇民乎對曰老夫罪矣是懼焉能恤遠吾儕偷食朝
不謀夕何其長也劉子歸以語王曰諺所謂老將智而耄及
之者以此而之鄭似依昭元年傳也云恤謂災危相憂及
有凶患憂之則不辭急者災危凶憂謂若遭水旱之災歲凶
年穀不登有死相濟是其相憂令不懈怠也云受謂官室車
服之制者謂若典命云上公九命國家官室車旗衣服禮儀
及侯伯子男已下各依命數是其制度也云世事謂士農工
商之事少而習焉其心安焉因教以能不易其業者

云桓公曰成民之事告向管子曰四民者勿使離處維
亂音聖王處工就閑燕處士就官附處商執市井處農就田
野又云士之子恒為士工之子恒為工商之子恒為商農之
子恒為農少而習焉其心安焉是世事也云慎德謂矜其善
德勤為善者民能矜矜然求其善德又相勸為善也云庸功
也者此經云以庸制祿司上云以功詔祿庸即功其理同也
云故書儀或為義杜子春讀為儀者不從故
書讀從太宗伯九儀一命至九命作伯也
以土宜之
灋辨十有二土之名物以相民宅而知其利
害以阜人民以蕃鳥獸以毓草木以任土事
十有二土分野十二邦上繫十二次各有所宜也相占視也阜
猶盛也蕃蕃息也育生也任謂既地所生因民所能相息
亮反注同毓音疏以土宜之法辨
育分扶問反疏十有二土之名物者十二土各有所宜
不同所出之物及各官異政云以土宜之法辨十有二土之
名物也云以相民宅者謂既知十二土之所宜以相視民居
使之得所也云而知其利害者十二土之中利處居之害處
遠之以阜盛人民以蕃息鳥獸以毓草木者皆由知利害

使之然也云以任士事者辨十有二土任人性居之○註十
二至所能○釋曰十二上分野十二邦上繫十二次各有所
宜也者案保章氏以星土辨九州之地注云星土星所生土
也又云大界則曰九州中諸國之封域於星亦有分焉其
善亡矣堪輿雖有郡國所入度非古數也今其存可言者十
二次之分也星紀吳越也玄枵齊也椒訾衛也降婁魯也火
梁趙也實沈晉也鶉首秦也鶉火周也鶉尾楚也壽星鄭也
大火宋也析木燕也如是天有十二次日月之所躔地有十
二土王公之所國又周語伶鳩云昔武王伐商歲在鶉火
又云歲之所在則我之分野故知分野十二邦上繫十二次
各有所宜也若然唐虞及夏萬國殷周千七百七十三國皆
依附十二邦以繫十二次若長庚同次之類也凡繫星之法
皆因王有所命屬焉故昭元年左傳云晉侯有疾鄭公孫喬
如晉聘且問疾叔向問焉曰寡君之疾病卜人曰實沈臺駘
為崇史莫之知敢問此何神也子產曰昔高辛氏有二子伯
曰閼伯李曰實沈居於瞽瞍林不相能也日尋干戈以相征討
后帝不厭遷閼伯於商丘主辰商人是因故辰為高星遷實
沈於大夏主參唐人是因以服事夏商又云及成王滅唐而
封太叔焉故參為晉至又襄九年晉士弱云陶唐氏之火
正閼伯居商丘祀大火相至因之故商主大火是皆先王命

之之法也案元命包云國君王封土列星之位注云若
角亢為鄭房心為宋此其餘小國不中星者以為附庸若
附庸不繫星其餘皆繫星也又云任謂就地所生因民所
者地之所生出物不同民之所資事業有異謂若居山者利
其金玉錫石禽獸材木皆澤者利其魚鹽居陸者利
其田蠶是其任謂就地所生因民所能而居之也○辨十
有二壤之物而知其種以教稼穡樹藝
耳以萬物自生焉則言土七德也也以人所耕而樹藝焉則
言壤穰和緩之貌詩云樹之榛栗又曰我藝黍稷猶時也
○種章勇反榛則疏辨十至樹藝○釋曰此十二壤即上
人反時時至反
其種殖所宜故變其文云辨十二壤之物者分別物之所生
而知其種所植之種遂即以教民春稼秋穡以樹其木以藝其
黍稷也○注壤亦至時也○釋曰上經據樹藝而言故變云穰
樹藝故云土取萬物自生為名此經據樹藝而言故變云穰
取和緩為義故鄭云變言耳詩云樹之榛栗是定之方中詩
引之證經稱是植木又曰我藝黍稷是楚茨之詩引之證經
引之證是黍稷以土均之灋辨五物九等制天下之地

征以作民職以令地貢以斂財賦以均齊天下之政

均平也五物五地之物也九等駢剛赤緹之屬征稅也民職民九職也地貢貢地所生謂九穀財謂

泉穀賦謂九賦及軍賦疏

以土至之攻釋曰以土均之

駢剛赤緹之屬

等是也云九等者據五地之內分為九等之地駢剛赤緹之屬其種所宜不同也云制天下之地征者言天下剛赤緹外邦國所稅入天子而言也此地征與下為目也以作民職者

以斂財賦者斂財即大宰九賦斂財謂一也既言財又別言賦者欲見財既為九賦斂財賦牛又兼有軍賦故財賦殊言

之云以均齊天下之政者大司徒以法均齊之天下皆仰依法故云均齊天下之政也註均平至軍賦釋曰九等無

是駢剛之屬者田賦或云十等或云五地或云十二土皆無云九等者祭草入職云駢剛赤緹之屬有九等皆是地勢所

宜糞種之法故鄭以駢剛赤緹之屬解之云地貢貢地所生謂九穀者祭大宰以九職任萬民即云一日三農生九穀此經云以作民職為九職即云令地貢明貢是九穀可知云財謂泉穀者祭大宰云以九賦斂財願彼注亦云財泉穀則以

泉穀當賦泉之數也云賦謂九賦及軍賦者以經云財賦不得為一事解之今鄭以賦為軍賦者則賦中兼軍賦謂中土

三人步卒七以土圭之灋測土深正日景以求地

中日南則景短多暑日北則景長多寒日東

則景夕多風日西則景朝多陰

土圭所以致四特日月之景也云測

猶度也不知廣深故曰測故書求為救杜子春云為求鄭司

農云測土深謂南北東西之深也日南謂立表處大南近日

也日北謂立表處大北遠日也景夕謂日跌景乃中立表之

處大東近日也景朝謂日未中而景中立表處大西遠日也

玄謂晝漏半而置土圭表陰陽審其南北此景短於土圭謂之

日南是地於日為近南也景長於土圭謂之日北是地於日

為近北也東於土圭謂之日東是地於日為近東也西於土

圭謂之日西是地於日為近西也如是則寒暑陰風偏而不

和是未得其所求凡日景於地千里而差一寸深尺鳩反

疏

以土至多陰釋曰案土人職云土圭

正德十二年

營王城故以土圭度日景之法測度也度土之深深謂日景
長短之深也正日景者夏日至晝漏半表北得尺五寸景正
與土圭等即地中故云正日景以求地中也日南則景短多
暑者周公度日景之時置五表五表者於潁川陽城置一表
為中表中表南千里又置一表中表北千里又置一表中表
東千里又置一表中表西千里又置一表中表今言日南景短多
暑者據中表之南而言亦晝漏半立八尺之表表北得尺四
寸景不滿尺五寸不與土圭等是其日南是地於日為近南
景短多暑不堪置都之事北云日北者據中表之是表而言
亦晝漏半表北得尺六寸景是地於日為近北是其景長多
度之事也云日東則景夕多風者據中表之東表而言亦於
晝漏半中表景得正時東表日已既矣是地於日為近亦晝
漏半已得夕景故云景夕多風云日西則景朝多陰者為中
表之西表而言是地於日為近西亦於晝漏半中表景得正
時西表日未中乃得朝時之景故云日西則景朝多陰此經
皆未得所求耳解此經之義依五行傳風屬中央兩屬東方
今西方云多陰東方云多風者土為木妻木為金妻從妻所
如故月離於箕風揚沙月離於畢淫滂施故此東方多風西
方多陰陰即雨也。註土圭至一寸釋曰案馮相氏云冬夏
致日春秋致月皆以土圭度之是以冬官考工記云土圭

有五寸以致日鄭云土圭所以致四時日月之景也云測猶
度不知廣深故曰測者廣深喻遠近以經云測土深故鄭云
廣深也鄭司農云測上深謂南北東西之深也者先鄭據經
云日南曰北日東曰西皆以土圭測度之先鄭又云日南謂
立表更大南近日云云先鄭之意曰於地中而在南故以南
表為近日北表為遠日日出東方而西流故以東表為近日
西表為遠日云景夕謂日既景乃中者於晝漏半東表日既
中表景乃中又云景朝謂日未中而景中者亦於晝漏半西
表日未中而中表景乃中也玄謂晝漏半而置土圭表陰陽
審其南北者後鄭釋景長短之意度景之法冬至夏至皆同
為之皆據晝漏半者以取日正午乃得其端直也云表陰陽
者東方西方是陰陽故別云審其南北也又云景短於土圭
謂之日南是地於日為近南云後鄭之義與先鄭不殊更云
是地於日為近南已下者先鄭云近日遠日恐人以為南方
東方地高為近日北方地低為遠日有此地高下之嫌
故後鄭增成先鄭之義取云是地於日為近北於日為近東
於日為近西四方之表皆去中表千里而云是立表之處其
地於天下之日為近南為近北為近東為近西也云如是則
寒暑陰風偏而不和是未得其所求者此言對下經地中是
陰陽風雨和會為得所求也云凡日景於地千里而差一寸

者案三光考靈耀云四游升降於三萬里中下云日至之景
尺有五寸謂之地中則是半三萬里而萬五千里與土圭等
是千里差一寸算法亦然言此者欲見經曰南曰北之等皆
法中表千里為術景長景短皆差一寸耳知表皆高八尺而
以書漏半者以其通卦驗云冬至日晷八尺之表日
中視其畧是以知用八尺表而以書漏半度景也 日至
之景尺有五寸謂之地中天地之所合也四
時之所交也風雨之所會也陰陽之所和也
然則百物阜安乃建王國焉制其畿方千里
而封樹之 景尺有五寸者南戴日下萬五千里也與星
辰四遊升降於三萬里之中是以半之得地
之中也畿方千里取象於日一寸為正樹樹木溝上所以表
助阻固也鄭司農云土圭之長尺有五寸以夏至之日立
尺之表其景適與土圭等謂之疏 日至至樹之 釋曰上經
之地中今潁川陽城地為然疏 置五表於四方四表未得
所求今於中表夏至亦晝漏半立八尺之表表北得景尺
有五寸景與土圭等謂之地中於此地中之所天地之所合

天司表一

也皆天地不合萬物不生天地合配萬物乃生故樂記云天
地所合是也四時之所交也者即尚書所云宅南交孔云言
夏與春交舉一隅以見之則秋與夏交冬與秋交春與冬交
可知故云四時所交也風雨之所會也者風雨所至會合人
心謂若祀器云饗帝於郊風雨寒暑時是也陰陽之所和也
者謂若昭四年左氏申曹云冬無愆陽夏無伏陰是其陰陽
和也然則百物阜安者總結上句所合已下然尤如是阜盛
也如是四事得所則百物盛安也乃建王國焉者建立也於
此盛安之處乃立王之國城焉制其畿方千里者王畿千里
以象日月之大中置國城而各五百里制畿界而封樹之者
於畿疆之上而作深溝土在溝上謂之為封樹上樹木以為
阻固故云而封樹之。註景尺至為然。釋曰云景尺有五
寸者於釋經景尺有五寸得地中之意云南戴日下萬五千
里者景一吋差千里故於地中尺五吋景去南戴日下萬五
千里云地與星辰四遊升降於三萬里之中者考靈耀文言
四游升降者春分之時地與星辰復本位至夏至之日地與
星辰東南游萬五千里下降亦然至秋分還復正至冬至地
與星辰西北游亦萬五千里上升亦然至春分還復正進退
不過三萬里故云地與星辰四游升降於三萬里之中是以
半之得地之中也云畿方千里取象於日一寸為正者鄭注

王制象日月之大亦取畧同此云取象於日一寸為正不言
象日月之大者略不言之矣云一寸為正者即是景一吋也
千里與王制注畧同一也案元命包云日圓望之廣尺以應
千里故鄭注王制云象日月之大也又案考靈耀曰從上臨
下八萬里天以圓覆他方載河圖括地象曰天不足西北
地不足東南西北為天門東南為地戶天門無上地戶無下
又云極廣長南北二億三萬二千五百里東西二億三萬三
千里又云天左動起於牽牛地右動起於畢廣雅云天圓南
比二億三萬三千五百里七十五步東西短減四步周六億
十萬七百里二十五步從地至天億一萬六千七百八十七
里半下度地之厚與天高等天度云東方七宿七十五度南
方七宿百一十二度西方七宿八十四度北方七宿九十八度
四分度之一四方三百六十五度四分度之一度二千九百
三十二里二十八宿間相距積百七萬九百一十三里徑三
十五萬六千九百七十里鄭司農云潁川陽城地為然者潁
川郡陽城縣是周公度景之處古跡猶存故云地為然也案
春秋左氏武王克商遷九鼎於洛邑欲以為都不在潁川地
中者武王欲取河洛之間形勝之所洛都雖不在地之正中
潁川地中仍在畿內若然武王已遷鼎於洛欲以為都周公
又度景求地中者武王雖定鼎於洛欲以為都周公更度之者所以審慎

大司徒

故案書傳云四年建侯衛五年營成周建侯滿皆在常書康
帝封康叔是也案康誥云惟三月才生魄周公初基作新大
邑于東國洛四方之民大和會注云岐鍋之域處五岳之外
周公為其於政不均故東行於洛邑合諸侯謀作天子之居
四方民聞之同心來會樂即功作効其力焉是時周公居攝
四年也又案召誥惟三月丙午册注云是時周公居攝五年
歲三曰戊申大保朝至於洛卜宅厥既得卜則經營之
若然洛邑在攝政四年初為基止至五年乃正營之也 凡
建邦國以土圭土其地而制其域諸公之地
封疆方五百里其食者半諸侯之地封疆方
四百里其食者參之一諸伯之地封疆方三
百里其食者參之二諸子之地封疆方二百
里其食者四之一諸男之地封疆方百里其
食者四之一

上其地猶言度其地鄭司農云土其地但為正四方耳其食者半公所食租稅得其

半耳其半皆附庸小國也屬天子參之一者亦然故魯頌曰錫之山川土地附庸奄有龜蒙遂荒大東至于海邦論語曰季氏將伐顛更孔子曰先王以爲東蒙土且在邦域之中是社稷之臣此非七十里所能容然則方五百里四百里合於魯頌論語之言諸男食者四之一適方五十里獨此與今五經家說合耳玄謂其食者半參之一四之一者士均均邦國地貢輕重之等其率之也公之地以一易侯伯之地以再易子男之地以三易必足其國禮俗喪紀祭祀之用乃貢其餘若今度支經用餘爲司農穀矣大國貢重正之也小國貢輕字之也凡諸侯爲牧正師長及有德者乃有附庸爲其有祿者當取焉公無附庸侯附庸九同伯附庸七同子附庸五同男附庸三同進則取焉退則歸焉魯於周法不得有附庸故言錫之也地方七百里者包附庸以大言之也附庸二十四言得兼此一等矣。疆居良反下同顯之宣反史音榆率音律又音類後注同正之音征疏此建至之一。釋曰上經字如字一音茲爲其干僞反疏既陳天子之國并畿內千里此經說諸侯邦國故云凡建邦國以土圭土其地土借度也以土圭度其地假令封上公五百里國北畔立八尺之表夏至書漏半得尺五寸景與土圭等而畔得尺四寸五分其中減五分一分百里五分則五百里減四分則四百里封侯

大司徒

減三分則三百里封伯減二分則二百里封子減一分則一百里封男是士其地之法而制其威者自上公五百里已下境界皆有營城封圻云諸公之地封疆方五百里其食者半諸侯之地封疆方四百里其食者參之一者謂三分之天子食其一分云諸伯之地封疆方三百里其食者參之一者亦與侯同云諸子之地封疆方二百里其食者四之一者謂掘得一國之稅四分之天子食其一分故云其食者四之一其天子所食者皆謂諸侯市取美物以貢天子即大宰九貢是也其公之稅有半侯伯有三之二子男有四之三皆自入充國家畜積禮俗喪紀之用也。注土其地猶言度其地者案上經以土圭之法測土深測猶度也此經云以土圭土其地以上正當則敷故云土其地猶言度其地也司農云土其地但爲正四方耳者司農意案上經天子度取土中此封諸侯但正四方而已不求土中故云但爲正四方謂五百里四百里之等云其食者半公所食租稅得其半耳其半皆附庸小國也屬天子參之一者亦然者司農意以經云其食者半與參之一四之一皆自食其餘並入天子故云其食者半公所食租稅得其半耳其半皆附庸小國也屬天子參之一亦然也先鄭雖不云四之一同農意亦四分之二分

入天子一分自食司農之義於經文雖似通若然則大國貢
輕次國小國貢重非字小之法於義不可故後鄭不從引魯
頌曰錫之山川已下至社稷之臣此司農之意上公已下盡
有附庸魯雖侯爵受五百里之國明堂位云七百里者五百
里外並是附庸即公五百里者亦半為附庸故上注云其半
皆附庸是也云此非七十里所能容者司農之意見孟子何
休之徒言周之制無五百里四百里之國魯國唯有一百里而
已故破諸家據魯頌論語非七十里之所能容也云然則方
五百里四百里合於魯頌論語之言者司農據此經公五百
里侯四百里與魯頌論語合亦是破諸家之意云諸男食者
四之一適方五十里者司農意男國百里開方得五十里者
有五十里云獨此與今五經家說合曰者五經家謂若張苞
何休孟子等皆以為思法公侯方百里伯七十里子男五十
里子男五十里故男食五十里是與五經家說合若自了已
上以百里七十里國於此經二百里已上四之一三之一不
合故直舉男地而言玄謂其食者半參之一四之一者土均
均邦國地貢輕重之等者案下土均云均地貢均即此所均
征於邦國地貢輕重是也云其率之也公之地以一易侯伯
之地以再易子男之地以三易者其民受地有一易再易

大同徒

此諸侯之地據貢入天子以耕之者入諸侯者以易而不耕
者故以公之地貢半似二百畝伯半也侯伯之地三之一貢
入天子以家生百畝佃百畝留二分似荒廢者也子男之地
以三易四之一貢與天子以家得四百畝佃百畝留三分似
三百畝不耕者也民但家無三易之地直以况義耳云必足
其國禮俗喪紀祭祀之用乃貢其餘者若鄭意釋公國貢半
已下斬少之意言公受地廣稅物多但留半自用即足其國
俗喪紀及畜積之用故以半為餘貢入天子其侯伯受地差
少則其稅亦少故三分之二留自用乃足其國以一分為餘
貢入天子其子男受也又少其稅轉少故四分之乃足其國
亦以一分為餘貢入天子注雖不言畜積但言足其國明畜
積在中乃得云足故王制云國無九年之畜曰不足是也云
若今度支經用餘為司農谷矣者度支經用以國家喪紀所
用餘為司農谷矣者入天子故據漢法以況之云大國貢重
正之也小國貢輕字之也者謂若四之一是也字受也謂受
小國之法若然三之一者是不輕不重若鄭言此者破先鄭
其食者四之一三分貢與天子三之一者二分貢與天子非
字小之法又見采地之私四之一一分貢與天子故不從先
鄭之義云凡諸侯為政正帥長及有德者乃有附庸者案王
制云五國以為屬一有長十國以為連一有帥三十國以為

制云五國以為屬一有長十國以為連一有帥三十國以為

卒、有正二百一十國為州、有伯伯即牧也此牧正帥長
皆是有功諸侯乃術為之有功即有附庸又諸侯有德雖不
為牧正帥長亦得有附庸故鄭總云諸侯牧正帥長及有德
者乃有附庸焉云為其有祿者當取焉者謂取間田為附庸
以為祿也云公無附庸者以其天子畿萬千里上公五百里
地極故無附庸也云侯附庸九同者以其侯有功進受公地
但公五百里開方之方百里者五五二十五侯四百里開方
之四四十六加九同則為二十五同與公等故知侯附庸九
同云伯附庸七同者伯地三百里三三而九加七同則為十
云同與侯等故知伯附庸七同也云子附庸五同男附庸五
同者以其子有功進受伯地加五同與伯等男有功受子地
男本一同加三同與子等開方之皆可云進則取焉退則
歸焉者進則取焉謂附庸者退則歸焉者謂為間田者也故
王制一州之內二百一十國其餘以為附庸間田併言之矣
云魯於周法不得有附庸故言錫之也者魯雖為侯爵以其
王子母弟雖為侯伯畫服如上公受五百里之地與上公等
成王以周公制典法之熱賜魯以侯伯子男四等附庸故明
堂位云地方七百里鄭云方七百里者包附庸以大言之也
又云附庸二十四言得兼此四等矣者魯本五百里四面各
加百里四五二十即二十同四角又各百里為四同故云附

兼此十四言周公有德兼侯九同伯七同子五同男三同
百里乃為附庸今皆名附庸為同者但附庸實不滿百里積
集附庸成同并數之矣假令男附庸三同附庸國則多矣據
成周而言三耳自餘五同
凡造都鄙制其地域而

封溝之以其室數制之不易之地家百晦一

易之地家二百晦再易之地家三百晦

弟公卿大夫采地其界曰都鄙所居也王制曰天子之縣內
方百里之國九七十里之國二十有一五十里之國六十有
二此蓋夏時采地之數周未聞矣春秋傳曰迂邾焉而鄙留
城郭之宅曰室詩云嗟我婦子曰為政歲入此室如以其室
數制之謂制丘甸之屬王制曰凡居民量地以制邑度地以
居民地邑民居必參相得鄭司農云不易之地歲種之地美
故家百晦一易之地休一歲乃復種地薄故家二百晦再易
之地休二歲乃復種故家三百晦。疏曰本亦作古晦字甸劉
常証反復扶。疏凡造至百晦。釋曰上言王畿及諸侯邦
又反下同。國至此更言畿內都鄙三等采地云凡造

都鄙制其地城者案載師職家邑任稍地小都任縣地大都
任置地又下文小司徒職云四丘為甸四甸為縣四縣為都
家邑二十五里小都五十里大都百里是造都鄙制其地域
也云而封溝之者謂三等來地四境界上皆有溝封而樹之
以為阻固云以其室數制之者其室在都邑之內而云制之
者依其城內室數於四野之中制地與之謂若九夫為井四
井為邑四邑為丘四丘為甸四甸為縣四縣為都之等是也
云不易之地家百畝者此謂上地年年佃之故家百畝云一
易之地家二百畝者謂年別佃百畝廢百畝云再易之地家
三百畝者以其地薄年之佃百畝廢二百畝三年再易乃編
故云再易也。注都鄙至百畝。釋曰言都鄙王子弟公卿
大夫采地者公在大都鄉在小都大夫在家邑其親王子母
弟與公同在大都次疏者與卿同在小都次更疏者與大夫
同在家邑故摠云都鄙王子弟公卿大夫采地也云其界曰
都鄙所居也者三等采地皆有城郭是其鄙所居也據其四
境即是其界曰都又引王制曰天子之縣內方百里之國九
云云又云此蓋夏時采地之數者案發周皆稱畿內王制云
畿內疑是夏時故云此蓋夏時采地之數也云周未聞矣者
案洛誥傳云天下諸侯入來進受命於周退見文武之尸者
十七百七十三諸侯注云八州州立一百一十國畿內九十

三國云畿內九十三國即此都鄙之數有文矣而云未聞者
以无正文故疑焉或未可聞其大國次國小國各有畿國故
云未聞其實也數則聞之矣云春秋傳曰迂鄭焉而鄙留者
案桓十一年夏五月鄭伯寤卒秋七月葬鄭莊公九月宋
人執鄭祭仲公羊云祭仲者何鄭相也何以不名賢乎祭仲
以為知權也其為知權奈何古者鄭國處於留先鄭伯有善
於鄭公者通乎夫人以取其國而遷鄭焉而野留莊公死已
葬祭仲將往省于留塗出於宋宋人執之謂之曰為我出忽
而立矣祭仲不從其言則君必死國必亡從其言則君可以
生易死國可以存易亡是以謂之權也野鄙不同者何鄭所
見傳異也案文發墨守云鄭始封君曰桓公者周宣王之母
弟國在宗周畿內今京兆鄭縣是也桓公生武公武公生莊
公遷易東周畿內國在據鄭之間今河南新鄭是也武公生
莊公出其國焉留乃在陳宋之東鄭受封至此適三世安得
立者鄭國處於留祭仲將往省留之事乎是鄭君不從公羊
引之者直取鄙所居為義也其鄭君留之事猶自不取也所
謂文取而義不取也云城郭之宅曰室又引詩者是七月詩
取證室在城內於其室數制城外井邑又云制之謂制丘甸
之屬者案下小司徒云四井為邑以至丘甸縣都是也又引
王制者欲見邑在城外居在城內外多少必參相得之事

卷九

十七

乃分地職奠地守制地貢而頒職事焉以為

地灑而待政令分地職分其九職所宜也定地守謂

也頒職事者分命使各為疏註分地至之事○釋曰分地

其所職之事○奠劉音定疏職分其九職所宜也者上經

既授上中下地此經云分地職故知分地職者是分九職所

宜九職則大宰云一曰三農生九穀是也所宜謂若孝經注

高田宜黍稷下田宜稻麥之類是也云定地守謂衡麓虞侯

之屬者案昭二十年左氏傳晏子云山林之木衡麓守之澤

之隄蒲舟絞守之菽之薪蒸虞侯守之海之鹽蜃祈望守之

注云衡麓舟絞虞侯祈望皆官名也守之令民不得取之不

共利時景公設此守以致疾故晏子所非非良不與民同鄭

引之者以證地守之官若然此地官唯有衡虞無舟絞祈望

者此周禮舉其大綱左氏言其細別故詳略不同云制地貢

謂九職所稅也者此地貢文承地職之下明味諸侯地貢是

其九職任之九稅斂之若三農生九穀則稅九穀園圃疏草

木則稅草木之類是也云頒職事者分命使各為其所職之

事者分命之言案尚書堯典分命羲仲宅隅夷申命羲叔宅

南郊分命和仲宅西曰昧谷申命和叔宅朔方此間頒職事

亦是分命使各為其所職以荒政十有二聚萬民一

之事典田之官各有所掌

白散利二曰薄征三曰緩刑四曰弛力五曰

舍禁六曰去幾七曰省禮八曰殺哀九曰蕃

樂十曰多昏十有一曰索鬼神十有二曰除

盜賊荒凶年也鄭司農云救飢之政十有二品散利代其種

也青禮掌客職所謂凶荒殺禮者也多昏不備禮而娶昏者

多也索鬼神求廢祀而修之雲漢之詩所謂靡神不舉靡愛

斯牲者也除盜賊急其刑以除之飢饉則盜賊多不可不除

也社子春讀蕃樂為藩樂謂閉藏樂器而不作玄謂去幾去

其稅耳舍禁若公無禁利者禮謂殺吉禮也殺哀謂省凶禮

弛式氏反舍音給殺所界反徐所例反註同蕃方素反

疏以荒至盜賊○釋曰言以荒政十有二者上經見分地

職則有年穀不熟之時恐民離散故以救荒之政十有

二條以聚萬民使不離散一曰散利者謂豐時聚之荒時散

之積而能散使民利益故云一曰散利二曰薄征者薄輕也

征稅也謂輕其稅三曰緩刑者謂凶年犯刑緩縱之四曰弛
力者弛放其力役之事五曰舍禁者山澤所遮禁者舍去其
禁使民取蔬食六曰去幾者幾謂呵禁謂關市去稅而幾之
七曰青禮者謂吉禮之中青其禮數八曰殺哀者謂凶禮之
中殺其禮數九曰蕃樂者蕃謂閉藏樂器而不作十曰多昏
者謂凶荒殺禮昏者多十有一曰索鬼神者謂凶年盜賊多急其刑
以除之○注荒凶至凶禮○釋曰下曲禮云歲凶年穀不登
即此一荒也故云荒凶年也鄭司農云救飢之政十有二品
若年穀不熟而民飢故設政教以救之故云救飢之政十有
二品十二品即十二條各有品列而不同云散利貸種食也
者謂豐時斂之凶時散之其民無者從公貸之或為種子或
為食用至秋熟還公據公家為散據民往取為貸故云散利
貸種食云薄征輕租稅也者案司稼云巡野觀稼出斂法注
云豐年從正儉有所殺若今十傷二三實除減半是輕租稅
也云弛力息繇役也者案均人云豐年則公均用三日中年
則公均用二日無年則公均用一日此云弛力謂人食不能
力改財賦是也云去幾關市不幾者此後鄭不從以其雖凶
年猶幾呵但去稅而已云青禮掌客禮所謂凶荒殺禮者也

後鄭不從者掌客所云凶荒殺禮其摠而語無所指
鄭以為青禮云多昏不備禮而娶昏者多也者昏禮有六
并有玄纁束帛凶荒為昏不可備行此禮使有女之家得成
口數有男之家易得其妻故娶昏者多也云索鬼神求廢祀
而修之者年有凶灾鬼神不佑經云索鬼神謂搜索鬼神而
祭之是求廢祀而修之求廢祀而修之即雲漢之詩靡神不享
是也連引靡愛斯牲者見索鬼神是祈禱之事須牲牷以薦
之案左氏莊二十五年傳云天灾有幣無牲此詩云靡愛斯
牲者若天灾之時祈禱無牲災成之後即有牲牷故云靡愛
斯牲云除盜賊急其刑以除之饑饉則盜賊多不可不除也
者上文既言緩刑其餘盜賊用急刑乃上下文為妨故鄭云
饑饉則盜賊多不可不除故須急其刑以除之杜子春云讀
蕃樂為藩樂謂閉藏樂器而不作者經云蕃者是蕃育之字
故讀從藩是藩閉之字案大司樂云大凶大歲今弛縣注云
弛釋下之若令休兵鼓之為彼又云日月食四鎮五嶽崩諸
侯薨令去樂注云去樂藏之引春秋傳曰壬午猶釋乃入去
籥萬言入則去者不入藏之可知彼之二文云令弛縣據路
寢常縣之樂釋下之去樂據廟中祭時暫縣之樂去而藏之
此云藩樂謂閉藏樂器據廟中祭祀藏去樂器而不作若然
祭祀不作明路寢常縣亦釋下之互見其義玄謂去幾去其

稅耳者破先鄭之義全不幾後鄭必直去其稅猶幾之者案
司關云國凶札則無門關之征猶幾明知司農之義非云舍
禁若公無禁利者案左傳襄公九年冬公會晉侯伐鄭同盟
于戲晉侯歸謀所以息民魏絳請施舍輸積聚以貸自公以
下苟有積者不出之國無滯積亦無困人公無禁利社註云
與氏共是也云昔禮謂殺吉禮也云殺哀謂省凶札者此破
司農之義司農引言不專於吉禮鄭知青禮專是吉札者以
殺禮是禮目之言不專於吉禮鄭知青禮專是吉札者以
下有殺哀與昔禮相對故知青禮專是吉札也案襄公二十
四年冬大饑穀梁傳云五穀不升謂之饑四穀不升謂之饑
二穀不升謂之饑三穀不升謂之饑四穀不升謂之饑五穀
不升謂之大侵大侵即大饑一也又案稟人云人食四鬴上
能入二鬴中二鬴下也若食不能人二鬴則令移民就穀不
義案均人云凶札無力政財賦此既據大饑猶云薄征執此
經雖主大饑兼記一穀二穀不熟之歲故有輕稅也此鄭二
荒凶年則荒與凶一也案大司樂大札大荒大凶荒凶則亂
其實凶荒是一故宗伯云以荒札哀凶札是凶荒不異司農
凶荒別文者以凶為凶年以荒為荒別文也

以保息六養萬民

一曰慈幼二曰養老三曰振窮四曰恤貧五
曰寬疾六曰安富

保息謂安之使蕃息也慈幼謂愛
幼少也產子三人與之母二人與
之餼十四以下不從征養老七十養於鄉五十異糧之屬振
窮辨林天民之窮者也窮者有四曰矜曰寡曰孤曰獨恤貧
貧無財業稟貸之寬疾若今廩不可事不筭卒可事者半之
也安富平其跡役不專取。少詩照反折音拯揀音救本亦
作拯救矜古頑反疏以保至安富。釋曰上經既陳凶荒
廩音隆卒子忽反云以保息六養萬民者民不安即不得蕃息安則蕃息保
也民使蕃息有六條以養萬民故云以保息六養萬民也。
保息至專取。釋曰云產子三人與之母二人與之餼皆是
越語范蠡欲速報吳為此權札使國民衆多故令國人壯者
無取老婦死者無取壯妻女子十七不嫁父母有罪丈夫二
十不娶亦罪其父母生丈夫三壺酒一犬生女子一壺酒一
豚生三人公與之母生二人與之餼引之者見其愛幼少之
法不必盡如其禮云十四以下不從征者案鄉大夫職國中
七尺野自六尺皆不從征案論語云可以託六尺之孤注云
六尺謂年十五則十五從征十四以下不從征可知亦是愛

幼之事也云養老七十養於鄉者案王制云五十養於鄉六十養於國七十養於學彼謂大夫士也王制又云凡三王養老皆引年注云已而引戶校年當行復除也老人衆多非賢者不可皆養故食貨志云七十已上所養也此云七十養於鄉亦謂有賢行者也云五十異糧之屬者是王制文禮記常法庶人食糲士兼食黎大夫又加以梁今雖庶人至五十或與士大夫同食黍梁故云異糧云振窮辨救天民之窮者也窮者有四曰矜曰寡曰孤曰獨者案王制云老而無妻者謂之矜老而無夫者謂之寡少而無父者謂之孤老而無子者謂之獨鄭依此而言此四者天民之窮而先告者也皆有常饘故曰振窮云恤貧貧無財業稟貸之者案旅師云凡用粟之註云困時施之饒時收之是其恤貧之法故云云寬疾若今廢不可事不筭卒者漢時廢不筭計以為士卒若今廢疾者云可事者半役輕使使之取其半功而已似今殘疾者之法云安富平其絲役不專取者言絲役也則富以本俗六安萬民一曰媿宮

室二曰族墳墓三曰聯兄弟四曰聯師儒五

曰聯朋友六曰同衣服
本猶舊也美善也謂約穆也堅風兩收除各有恨字族猶
類也同宗者生相近死相連猶合也兄弟昏姻嫁娶也師儒鄉里教以道藝者同師曰朋同志曰友同猶齊也民吹有富者衣服不得獨異。媿音美聯
疏以上本至衣服釋曰此經說安民庶之道以本俗六安民者本舊也不依舊俗創立制度民心不安若依舊俗民心乃安故以本俗六安民也。民也。註本猶至獨異。釋曰云謂約穆也堅風兩收除各有恨字者此斯干美宣王之詩也案彼詩云凡之閣闕約謂有恨字者此斯干美宣王之詩也案彼詩云凡之閣闕約謂擢士椽之素素椽謂葉之素素用力是其約也攻堅所也能使風雨所除宇居也君子小人各有所居引之者蓋美宮室也經云微宮室明不使華美故以攻堅解之云族猶類也同宗者生相近死相迫者案左氏傳云非我族類其心必異族類是一故云族猶類也經云族墳墓是死相迫也道明生時居住相近可知故鄭云同宗者生相近死相迫也云連猶合也兄弟昏姻嫁娶也者案爾雅釋親云父之黨為宗族母與妻黨為兄弟則兄弟之名施於外親為正又案禮記兄弟皆昏有外邦及與兄弟居彼皆據同宗小功已下知此兄弟是昏姻非是同宗者見上云族墳墓是同宗明此兄弟施於外姓

昏姻故爾雅又云婦之黨為昏凡兄弟夫婦相名亦為兄弟故
曾子問曰不得嗣為兄弟是以知兄弟是婚姻也云師儒故
里教以道藝者以其鄉立序黨及遂皆立序致仕賢者使
教鄉閭子弟鄉閭子弟皆相連合同就無儒故云連師儒也
又案保氏職掌養國子以道故云教以道藝也云同師曰朋
同志曰友者案學而云有朋自遠方來是朋者在學之稱此
友與朋連文則亦是在學之稱且此朋友之文復在師儒之
下但朋疏而多友親而少故云同師曰朋同志曰友此朋友
據在學案尚書泰誓武王我友邦家君是謂諸侯為友洛誥
云孺子其朋謂羣臣為朋朋友之友所施廣矣鄭君皆望文
為義是以所注不同也云同猶齊也民雖有富者衣服不得
獨異者士已上衣服皆自采章庶人皆同深衣而已故云民
雖有富者衣服不得獨異並皆齊等也 正月之吉始和布教于邦國
都鄙乃縣教象之灋于象魏使萬民觀教象
挾日而斂之乃施教灋于邦國都鄙使之各
以教其所治民 正月之吉周正月朔日也司徒以亦五
教云正歲又書教灋而縣焉○縣音玄

大同徒

疏 正月至治民 釋曰正月之吉者謂建子之月
也始和者從十二教已下於此月之時始
調和也政教皆有故法依舊而行之言始和者若改造云爾
其實不造也始以對紱對下縣之是在建寅之月為終也
邦國諸侯及畿內二鄙公卿大夫等云乃縣教象之法於象
魏者言乃者緩辭是建寅之月乃縣教象之法於象魏觀象
云使萬民觀教象者謂使萬民來就雋門象魏之象觀象
文書使知一年教灋云挾日而斂之者縣之從甲至甲為挾
日而後斂藏之於明堂月月乃更受而行之謂之聽朔者也
云乃施教灋于邦國都鄙者案大宰六典八法八則之事故
月前陳之正月之下不復言茲之者以其並是常職之事故
不復言茲之者且直言施教灋於邦國都鄙則亦含上數事可
知云使各以教其所治民者若據邦國使諸侯教所治民
若據都鄙則使公卿大夫教所治民○注正月之吉言
曰言正月朔日者周禮凡言正歲者則夏之建寅正月言
正月朔日也司徒以布正教者案大宰注云布正治之事於
天下此不言天下注文略邦國都鄙則亦天下也云至正歲
又書教灋而縣焉者釋經乃縣是正歲縣之必知縣在正歲

者亦取義於小司徒云正歲則制其屬而勸教法之象故知縣在正歲也
相保五比為閭使之相受四閭為族使之相
葬五族為黨使之相救五黨為州使之相
五州為鄉使之相實
救救凶災也賓賓容其賢者故書受為授
謂民移徙所到則受之所去則出之
惡也謂受者宅舍有故相受寄託也
足也閭二十五家族百家黨五百家州二千五百家鄉五千家
同閭音周足劉子喻反
第家數各立其官長教勸於民大司徒設此閭至於州鄉等
內使五家為一此則有下十為此長主之使五家相保不為
耶過五比為閭者二十五家為一閭立中士為閭胥使之相
受者同胥使二十五家有宅舍破損者受寄託四閭為族使
之相葬者百家立一上士為族師使之相
相助益故云使之相葬五族為黨使之相救者五百家立

大司徒

下大夫為黨正民有凶禍者使民相救助故云使之相救五
黨為州使之相調者二千五百家為州立一中大夫為州長
民有禮物不備使調給之五州為鄉使之相實者萬二千五
百家為鄉立一六命鄉為鄉大夫鄉內之民有賢行者則行
鄉飲酒之禮賓客之舉貢也故云使之相實。注此所至百
家。釋曰云此所以勸民者也者此經相保相受相救相調
相賓等皆是民間之事故云所以勸民也云使之者皆謂立
其長而教令使之者民不獨治心須君長故云皆謂立其長
而教令使之也長謂若比長鬻鬻至鄉大夫等杜子春云當
為受謂民使所到則受之所去則出之者案比長職云五
家相受相保相調及郊則從而授之注云徒謂不便其居也或
職又云徒謂及郊則從而授之注云徒謂不便其居也或
國中民出使或郊民入使國中彼是出鄉閭外與此閭
內自相容受不同故後鄭易之以為宅舍有故相受寄託解
之子春又云調當為糾謂糾其惡後鄭不從者此一經相保
相受之等皆是相勸為善無相糾惡之事故後鄭存調字謂
禮物不備相給足解之云閭二十五家云云知之者
案此經五家為比五州為鄉轉相增故其家數可知
事十有一于邦國都鄙使以登萬民一曰稼

在陸姻之下者上言友專施於兄弟此亦冬言弟兼施於師長
故退在陸姻之下云造言設言惑眾者案王制行偽而堅言
偽而辨與此造言一也是詛言惑眾也云亂民亂名改作義
左道以亂政也者亂名已下皆王制文案彼注亂名改作義
變易官與物之名更造法度左道若巫蠱及俗禁並是亂政
之民也上三物有六德六行六藝六德六藝不設刑獨於六
行設刑者鄭注師氏云在身為德施之為行德為在身不施
於物六藝亦是在身之能不施於人故二者不設刑其行並
是施之於人故禁其恐有愆負故設刑以防之也
造言亂民民中特害故六行之外別加此二刑
以五禮
防萬民之偽而教之中
禮所以節止民之偽偽使
謂吉凶
疏以五至之中釋曰以五禮防萬民之偽而教
質軍嘉
防萬民之偽而教之中者案禮記樂記云禮者著誠去偽故以禮
禮者辨尊卑別貴賤皆有上下之宜不得奢修僭偽故云禮
所以節止民之偽偽也使使其行得中者上不逼下下不僭上
得其正止是也鄭司農云五禮謂吉凶賓軍嘉者春官大宗
伯以六樂防萬民之情而教之和
樂所以蕩正
民之情思使

大司徒

其心應和也鄭司農云六樂謂雲門咸池大韶大夏大濩大武
武○思慮吏反應應對之應招上朝反本亦作韶濩音濩本
亦作疏以六至之和○釋曰案樂記云大樂與天地同和
護萬民之情而教之使應和也○注樂所至大武○釋曰案樂
記云在闔門之內父子兄弟同聽之莫不和親故云樂所以
蕩正民之情思使其心應和也鄭司農云六樂雲門已下皆
大司樂文至彼具釋案前云六藝禮樂射御書數不覆申射
御書數而獨申禮樂二事但化民以禮樂為急故樂記云心
中斯須不和不樂而鄙詐之心入之矣外貌斯須不莊不敬
而易慢之心入之矣故樂也者動於內者也禮也者動於外
者也是致禮樂以治外內之急也又孝經云安上治民莫善
於禮移風易俗莫善於樂是禮樂
為化民之急也故特言禮樂耳
凡萬民之不服教而
有獄訟者與有地治者聽而斷之其附于刑
者歸于士
不服教不厭服於十二教貪冒者也爭罪曰
獄爭財曰訟有地治者謂鄉州及治都鄙者
也附麗也士司寇士師之屬鄭司農云與有地治者聽而斷
之與其地部界所屬吏共聽斷之士謂主斷刑之官春秋傳

曰士榮為大士或謂歸于園士園士謂獄也獄城園治直
吏反注反下止治并注同斷丁亂反注同厭於涉反或於驗
反疏凡萬至于士釋曰以上以禮樂化民而萬民不厭服
不審故與其有地治者謂治民之官共聽而斷之若有小罪
則司徒決之其附於五刑則歸於士使秋官士師之等刑之
○注不服至城園釋曰云不服教不厭服於十二教貪冒
者也者上以十一教教民使不貪冒其民有不厭服於十二
教即是貪冒之人也獸有二種有嫌獸有厭獸厭謂若祭
禮有陰獸之類是也此言不厭服十二教者謂不厭服若祭
十二教也又云爭罪曰獄爭財曰訟者案秋官大司寇云以
兩造禁民訟以兩劑禁民獄訟相對故獄為爭罪訟為爭
財若獄訟不相對則爭財亦為獄其義具在秋官釋之云有
地治者謂鄉州及治都鄙者也者司徒主六鄉明知有鄉州
也案上經布教於都鄙明地治之內兼有都鄙可知云附麗
也者案秋官云麗於法案尚書呂刑越茲麗刑故以附為麗
云士司寇士師之屬者案秋官有士師鄉士遂士縣士並主
獄訟之事故云士師之屬也司農云春秋傳曰者信公二十
八年衛侯出奔及其反國誤射殺弟叔武元恒訴於晉衛侯
與元恒訟晉使士榮為大士而聽斷之引此者欲見有獄必

大司徒

有訟有訟者不必有獄故彼是爭罪之事而言衛侯與元
訟云或謂歸於園士園士謂獄也者司農之意此經士或為
士字因即解士為園士園士謂獄也云獄城園者祀五帝
更解園士之意園士之義具在秋官司園也
奉牛牲羞其肆牛能任載地類也奉猶進也鄭司農
解骨解士喪禮曰肆解去蹄也肆陳骨解也玄謂進所肆
反注肆解肆去同司農音四注肆陳同疏祀五至其肆
者謂五時逆氣於四郊及摠享五帝於明堂即大司徒奉牛
牲又云羞其肆者羞進也肆解也謂於祖上進所解牲體於
神坐前○注牛能至去蹄也肆解也謂於祖上進所解牲體於
牛能任載地類也故屬地官司司徒鄭司農云羞進也肆陳骨
體也者骨體有臂脊脅之屬司農以肆為四音讀之故云肆
陳也謂陳牲於於祖上即體解折節為二十一體是也故云
陳骨體也玄謂進所肆解骨體者後鄭之意以肆為音讀
之肆解骨體者為七體解之故引士喪禮曰肆解去蹄案士
喪禮曰特豚四鬕去蹄被注云四鬕之殊有解被言殊有解
與此骨體一也但被云四鬕此云鬕鬕也後鄭必不從先鄭為肆
義讀之非被正文此云殺當彼鬕也後鄭其組執其殺彼注云腥
陳骨體為二十一體者案禮運云腥其組執其殺彼注云腥

其俎謂豚解而腥之也孰其殺謂體解而爛之祭禮之法先
豚後解體解經云奉牛牲謂初牽入時即言羞其肆明先豚
解又案國語禘郊之事則有全烝明知不得先有體解若然
則禘郊之事先全烝始後豚解也若宗廟之祭則無全烝先
豚解次體解禮曰享先王亦如之疏曰享先王不辨祭
運所云者是也如大小彼六宗伯四時及禘祫六者皆稱享云亦加之者亦
如上祀五帝奉牛牲羞其肆又不言祭地者祭地之禮與天
同大賓安令野脩道委積令委多曰積皆所以給
賓疏大賓至委積釋曰察大行人諸侯朝稱賓卿大夫
客疏來聘稱客彼對文例散文賓客通此云大賓客者唯
博諸侯來朝大司徒令遺人於野路之上脩治道塗及委積
芻薪米禾之等以待賓客釋曰至賓客釋曰令令遺
人使為之也少曰委多曰積者案遺人云十里有廬廬有飲
食三十里有宿宿有路室路室有委五十里有侯館侯館有
積故知大喪帥六鄉之衆庶屬其六引而治其
義然也鄉主六引六遂主六緇引知字又音胤緇音弗疏

大司徒

大喪至政令釋曰大喪謂王喪至七月而葬大司徒帥
卿之衆庶取一千人屬其六引挽柩鄉廣而治其政令者大
司徒則檢校挽柩之事注衆庶至六鄉釋曰云衆庶所
致役也者但六鄉七萬五千家進取一千人致之使為挽柩
之役故云所致役也司農云六鄉主六引則此經是也云六
遂主六緇者案遂人職云大喪帥六遂之殺而致之掌其政
令及葬帥而屬六緇在棺曰緇見繩大軍旅大田役以
體行道曰引見用力主文以見義也
旗致萬民而治其徒庶之政令旗畫熊虎者也
期於疏大軍至政令釋曰凡征伐田獵所用民徒先起
其下鄉之衆故云大軍旅大田役以旗致萬民司徒
主六鄉田即治其徒庶之政令注旗畫至其下釋曰案
司常云能虎為旗故鄭云旗畫熊虎者也云徵衆刻日樹旗
期於其下者凡起徒役不令而誅謂之應故徵衆無刻日
集日至于日樹旗期民於其下旗畫至其下者

於天下

大故謂王崩及寇自也節疏若國至天下釋
六節有節乃得行防姦私

國有大故則致萬民於王門令無節者不行

於天下

大故謂王崩及寇自也節疏若國至天下釋

六節有節乃得行防姦私

國有大故則致萬民於王門令無節者不行

於天下

大故謂王崩及寇自也節疏若國至天下釋

六節有節乃得行防姦私

國有大故則致萬民於王門令無節者不行

大故是非常之事故言若也則致萬民於王門者以待任用
故也云令無節者不行於天下者大故之時恐有姦寇節者
用為行道之信故無節者不行於天下所以防姦私也。註
大故至姦私。釋曰言大故知是王崩及寇兵者下經別云
大荒大札故知大故中有王崩寇兵二事也云節六節者為
掌節山國用虎節上國用人節澤國用龍節門關用符節貨
財用璽節道大荒大札則令邦國移民通財舍
路用旌節也

禁弛力薄征緩刑 大荒大凶年也大札大疫病也移
輸之穀春秋定五年夏歸 疏 大荒至緩刑。釋曰大荒謂
粟於蔡是也。札側八反 疏 大凶年大札謂大疫病則令
邦國者謂令天下諸侯邦國也移民通財者此謂兩事移民
謂分口往就賤財是米殺也其有留守不得去者則賤處通
穀米與之舍禁者謂山澤之內舊無禁不聽人入者令皆舍
而不禁容民取蔬食也。刀者謂弛力役之事薄征者若據
大荒則全無征稅今言薄征者容有小荒仍有征稅案司據
註云豐年從正儉有所殺若今十傷二三實除減半者也緩
刑者謂有刑罰寬而放之。註大荒至是也。釋曰大荒
凶年也者謂若曲禮云歲凶年穀不登言大者穀梁云王穀

不熟謂之大侵與此一也大札大疫病也者謂若左氏傳云
天昏札瘥云其有守不可移者則輸之穀者釋經通財也又
引春秋定五年夏輸粟於蔡是也者案彼傳定四年楚瓦伐
蔡五年夏歸粟於蔡彼雖非荒札之事直取歸粟一道證經
通財 歲終則令教官正治而致事 也歲終自周季冬
之義 十正治明處其文書致事上其計 疏 歲終則令教官者其
簿。上時掌反簿蒲戶反注同 疏 歲終則令教官者其
屬六十官也云政治而致事者謂正直治理其文書不得濫
失以為公狀然後致其職事以待考。註歲終至計簿。釋
曰知歲終是周季冬者以其正月之吉始和是周之歲始明
此致事之時亦是周之歲終云致事上其計簿者漢時考吏
謂之計吏計吏據其使人 正歲令于教官曰各共爾
也此言計簿據其文書也

職脩乃事以聽王命其有不正則國有常刑
正歲夏正 疏 正歲至常刑。釋曰正歲令于教官者以其
月朔日 疏 歲始當除舊布新各共爾之職脩汝之事爾
乃皆汝也以聽王命者聽待也其不正則國有常刑者謂文
書不正直而溢失則有常刑常刑者謂二千五百條各依益

重而受刑法○注正歲至朔日○釋曰周禮上下凡言正歲者此是夏之正月又知是朔日者以其真正月之吉是朔日此雖不言之吉亦是朔日爲始可知也



周禮註疏卷第十

